

VICTOR COUSIN
BLES

9

Bibliothèque VICTOR COUSIN

INCUNABLES 179

HAIN


PROCTOR

PELLECHET
et POLAIN.....


Gesamtkatalog.....

Cote ancienne 4505

VCINC 8-179



THOMPSON



VCINC 8 = 179

BIBLIOTHÈQUE
de

M^r COUSIN

REPRODUCTION

OF

MT. COUSIN

9
**A confessiõ
de Maistre
Jehan Jarlon.**



BIBLIOTHEQUE

de

MR COUSIN

4505

¶ Benedicte pater.

Sire ie me p̄fesse a dieu le pere le filz
et le saict esperit. A la benoïste vier-
ge marie/ a mō seign̄r saint michel/
et a saict Pierre & a saint Pol/ et a
tous sainctz & saintes de paradis/ & a vous si-
re qui estes mō pere spirituel lieutenant de dieu
en terre de tous les pechez que ie feitz oncques
depuis l'heure & le iour que ic fus nez & q̄ iay receu
le saint sacremēt de baptesme iusques a ceste
heure presente: & aussi que ie ne me suis garde
de tout peche comme ie deusse auoir fait en me
gouuernant de mes cinq sens de nature q̄ dieu
ma donne pour luy seruir & me gouuerner les-
quelz ie nay pas employe comme ie deusse/
Mais les ay employez a vanitez et a orduce.

¶ Des yeulx.

¶ Et premieremēt ie me cōfesse de mes yeulx
desq̄z iay regarde plusieurs choses mondaines
par grāde delectatiō comme femmes pucelles
Et religieuses/ ieuz de tables & dez or & argent
Et nay pas contēple la passion de dieu: ne nay
pas regarde les pcurcs de dieu qui estoient ma-
lades/ mal vestus & necessiteuz en pitie & com-
passion cōme ie deusse auoir fait: dont ie me cō-
fesse & me repēs & en crie a dieu mercy & p̄don

¶ Des oreilles.

¶ Secondement ie me confesse de mes oreilles desquelles par plusieurs fois iay ouy & escoute parolles oyseuses/laydes: deshonestes:et outrageuses:cōme mesdire daultuy / maulgreer dieu & les saintz ians cause / men songes / Bourdes fables plustost que nay pas escoute le saint seruire de dieu mō createur & les bons sermons et enseignemens de sainte eglise si men repēs et men confesse et en requiers a dieu mercy.

¶ De la bouche.

¶ Tiercement ie me confesse de ma bouche:et de ma lāgue desquelles iay parle sur autuy en le mespissant & abaissant son hōneur iay parle sur autuy parolles deshonestes affin de luy oster sa bōne renommee & luy porter dommaige iay regnie maulgreer & blaspheme dieu les saintz et saintes de paradis: & si nay pas dit les biēs q̄ ie deusse: iay fait faulx iuremens ou preiudice et dōmaige daultuy dōt ie me repēs & mē p̄fesse.

¶ Des mains.

¶ Quartement ie me confesse de mes mains desquelles iay faict plusieurs atouchemēs tant sur moy que sur autuy / ou en atouchant femmes en lieux deshonestes / en prenāt les biens daultuy & nen ay pas fait le seruire a dieu cōme ie deusse dont ie men confesse.

¶ De mes piedz.

¶ Quittemēt ie me pſeſſe de mes piedz qui me ont porte es lieux de ſhōneſtes/ comme en tauer nes & autres lieux pour mal faire & ne ſuis poit allē aux ſermōs/ ne aux pardōs par deuotion/ mais ce a eſte pour moy mōſtrer: & pour regarder les Vanitez du mōde/ comme les belles femmes & les mieulx parees/ dōt ie men confeſſe et men repēs de bon cuer & en crie a dieu mercy & a Vous ſire en dc mādē penitence & abſolution.

¶ De mon cuer.

¶ En aps ie me cōfeſſe de mon cuer & de ma penſee/ car iay pēſe & ymagine mauuais pēſees et ymaginations ſur aultruy/ mais ie nay pas penſe a biē faire Me en dieu mon createur/ comment il ſouffrit mort & paſſion pour nous/ dequoy des branches & des racines de mes cinq ſens de nature par leſq̄lz le dyable me pourroit accuſer au iour du iugement. Je men pſeſſe et men repens et me ſubmetz a la miſericorde de dieu. Et Vous qui eſtes lieutenant de dieu mō pere ſpirituel quil Vous plaiſe de moy abſoudre/ & me donner penitance & abſolution.

¶ Des ſept pechez mortelz.

¶ En aps ie me confeſſe des ſept pechez mortelz. Et p̄mierement du peche dorgueil ou iay offēſe & courrouce mō createur. Car iay eſte or

gueilleux/et presumptueux/et par le grant orgueil q a este en moy iay voulu suppediter les grans et despriser les moindres moyes/et petis J'ay este desobeissant a dieu mon createur/a mon pere/et a ma mere temporels/et spirituels/cuy de plus valoir que ie ne fais dont ie me suis orgueilly tant pour mon signaige que pour ma richesse. Et pour mon service iay este moult orgueilleux envers ceulx qui ont eu a besongner avec moy en parlant ou en respondant orgueilleusement laqelle chose ne deusse pas avoir fait Si men repes et en crie mercy a dieu et a Vous sire en demande penitence et absolution.

Du peche d'envie.

¶ En apres sire ie me cōfesse du peche d'envie car iay este envieux de la bone grace et biens de la bonne renommee et prosperite de mon Voysin iay eu envie quant mes freres chrestiens auoyent plus de honneur en ce monde et grant ioye du mal d'aultruy/et par envie iay blasme souvent sans cause mes Voysins et contre ma cōscience ay mis souvent haine et discension entre parens et amys hommes/et femmes mariez/et nay pas dict les biens qui estoient en eulx si men repens/et men confesse et en crie a dieu mercy/et a Vous sire en demande penitence et absolution.

Du peche de yre.

¶ fin.

En apres ie me cōfesse du peche de yre pour
ce que iay este tost & sans cause courrouce & lon
guemēt sans appaiser / iay tenu ire & rancune lo
guement contre mon frere chrestien en desirāt
Vengeance de luy / & nay pas voulu pardonner
pour lamour de dieu le desplaisir q̄ on ma fait
J'ay pourchasse le dōmaige de mon Voysin en
ire & en courroux / ieusse voulu estre mort & que
ien eusse eu Vengeance / ie nay pas prins en pa
tience les biens & tribulatiōs que dieu mon crea
teur ma enuoyez si men cōfesse & men repēs &c
Du peche de paresse.

En aps ie me cōfesse du peche de paresse de
ce q̄ iay este paresseux de biē dire & de biē faire
de servir a dieu / & de aller a leglise / & de dire de
notemēt mes prieres / oraysons & ce q̄ ie scauoye
et autres biēs q̄ dieu ma mōstrez de scauoir iay
Voulētiers este oysieux de servir aux pources de
nostre seignr / iay este paresseux dēseigner les
ignorās a faire bien iay trop dormy en mon lict
quāt ie deuoye estre a leglise & cor̄ estoie en mō
lict & me suis vilainemēt & deshonnestemēt te
nu par la paresse de mon corps si men confesse
et men repens & en requiers a dieu pardon.

Du peche de gloutonnie.

En apres ie me cōfesse du peche de glouton
nie de ce que iay este glout en beuiāt & en men

geât oultre mesure/ ay rompu les ieunes com-
mādes en Karisme/ & les quatre tēps par ma-
friandise/ & gourmādisie ie nay pas distribue de
mes biens pour l'amour de dieu/ mais ie me suis
efforce de manger matin/ tard hors heure telle-
ment que ien ay este par plusieurs foyz plus pie-
re mal dispose & malade. Si mē cōfesse/ & men
repens/ & en crie a dieu mercy/ et a Vous sire en
demande penitence & absolution.

Du peche de luxure.

¶ En ap̄s ie me confesse du peche de luxure de
ce ce q̄ ie nay pas garde chastete mais rompu le
mariage daultuy iay eu affaire a femmes cō-
raunes ou a femmes religieuses iay voulu des-
cepuoir femmes pour dons/ & promesses/ iay eu
affaires a ma cousine ou a ma seur / iay eu af-
faire a femme deuant elle fust receuee dēfant en
festes solēpnelles ou en tēps de Karisme/ Es
ieunes ou Vigilles aussi ay este posu en mō licet
en dormāt ou en veillant p̄tre nature au lieu sa-
cre ou ie lay fait pour acōplir mon plaisir & ma
volūte dont ie men cōfesse & men repens & en
crie a dieu mercy & a Vous sire en demande peni-
tence.

Du peche d'auarice.

¶ En
apres ie me cōfesse du peche d'auarice/ & de cou-
uoitise auq̄l iay offense tresgrādemēt & vilai-
nement mon createur car en ce peche iay main-

teffoys par ymaginatiōs offense mō createur
car iay fort desire a Voir argent & ay este curi-
eux & ardāt a lamasser q̄ plusieurs foys en ay
laisse faire le seruice d̄ dieu par mō auarice iay
desire les biēs dautrui/ & ainsi par ce peche iay
garde mes biēs mes robes trop precieusement
et par ma couuoitise/ & auarice iay prins habitz
plus honnestes que a moy napartient par ma
rapie/ & couuoitise ie nay pas departy ne distri-
bue aux pures membres de dieu aucune quā-
tite de mes biēs temporelz selon ma possibilitē/
mais les regardoye en mesprisant/ & desprisant
par ma rapine iay faict faulce marchandise/ iay
pēse a ieux/ et mesure faulcement/ ie ay ioue a
ieux deffendus par auarice ie nay garde les fe-
stes commandees / par ma couuoitise iay prins
des biēs dautrui/ & scauoye biē que ie faisoie
mal/ par auarice iay desire auoir benefices af-
fin que ie puisse cōmettre symonie/ par auarice
ie nay pas paye mes debtes cōe ie deusse/ J'ay
couuoite sciēce pour faire mal & efforce de gre-
uer autrui par mō auarice. J'ay preste argent
en espoir den auoir aucun proffit par maniere
dusure iay Vendu marchandise a creance plus
quelle ne valloit/ & mal paye les dismes que ie
deuoye a dieu/ par mō auarice si mē cōfesse. &c.
Et generalēmēt en toutes branches / & racines

des sept pechez mortelz si iauoye aucunement
peche dōt lennemy me pourroit accuser au iour
du iugement deuant mō createur iē crie a dieu mer
cy & a Vo^r sire en demāde penitēce & absolutiō.

Des sept oeuvres de misericorde tēporelles.

Après ie me cōfesse des sept oeuvres de mise
ricorde tēporelles car ie nay poit dōne a mēger
aux pources necessiteux qui auoient faim/ & soif
ne donne viādes nettes & bonnes mais sales et
mauuaismēt cuyttes q̄ ie neusse pas mēgees.

Secondement ie ne leur ay pas donne a boi
re de bon brouaige & ne vouloye pas quilz bus
sent a mon boire avec moy.

Tiercement ie nay pas visite les malades
ne fait leur lit ne remue leur playes.

Quartement ie nay pas reschauffe les pou
res membres de nostre seigneur quāt ilz ont eu
froid ne reuestus quant ilz estoient nudz.

Quintemēt ie nay pas heberge ne loge les
pources ne les pellerins passans.

Sixtemēt ie nay pas visite cōforte/ & conso
le les pources prisoniers/ ne pryē pour leur deli
rance mais plustost les ay confondus/ & greuez
par mō p̄ler. La. vii. Je nay pas ensepuey les
trespassez ne enterrez si nay pryē pour eulx aīsi
que ie suis tenu. Si men confesse & men repens
de bon cuer/ & crie a dieu mercy/ et a Vo^r sire

en demande penitence & absolution.

A Des sept oeuvres de misericorde spirituelles

En apres ie me confesse des sept oeuvres de misericorde spirituelles lesquelles ie nay pas accomplies comme ie deusse auoir faict. Et premierement ie nay pas instruit les ignorans ne enseigné comme ie deusse.

Secōdemēt ie nay pas dōné conseil a ceulx qui me demādoient des biens qui appartenoyēt a l'ame.

Tiercement ie nay pas conseillé ne resiouy ceulx qui estoient desconfortez.

Quartemēt ie nay pas pardonné si benigne mēt ne si douce mēt que ie deusse a ceulx q̄ ma uoyēt meffaict & me demādoient pardon pour l'amour de dieu. **Q**uintemēt ie nay pas supporté ceulx qui mont faict desplaisir. **S**eptemēt ie nay pas adoré dieu pour la paix & vniō de nostre mere sainte eglise ne pour les vifz.

Septiesmēmēt ie nay pas corrigé les malfai cteurs/ & plusieurs autres biens q̄ ie peusse bien auoir faitz lesquels nullemēt nay pas faictz ne accomplis. En quelque maniere q̄ puisse auoir offense mon createur tāt en peche par moy dessus confesse que autres oubliés en nō accomplissant les sept oeuvres de misericorde tāt corporelles & spirituelles ien crye a dieu mercy/ & a vous sire

et demande penitence & absolution.

Des sept sacremens de sainte eglise.
¶ En apres ie me cōfesse des sept sacremens de
sainte eglise. Le p̄mier est le saint sacremēt de
baptisme lequel ie nay creu purement ne nette
mēt cōme ie deusse auoir faict/ainsi cōme il ma
este baille/Mais ie lay desprise en plusieurs ma
nieres. Le secōd est le sacremēt de cōfirmation
lequel est de ce que faict leuesque lequel vauēt
cōtre le pouoir de lennemy. Le tierce est le saint
sacremēt des saintes ordres cōme lordre de pre
strise/car ie nay pas porte honneur a to⁹ gens
degglise q̄ ont receu lesdictes ordres Le quart est
le saint sacrement de mariage lequel nay pas
creu fermemēt mais ay murmuré contre gens
mariez & ne lay pas bien tenu/ & garde cōme ie
stoye tenu de faire. Le quint est le sacremēt de
lautel ie nay pas bien creu ne porte honneur cō
me ie deusse auoir fait en mō cueur ne a ma pē
see comme ie deuoye mais quāt ie le deuoye cele
brer a peine me mettoye a genoulx et me des
plaisoit quāt on disoit lōgue messe. Le. vi. est le
saint sacremēt de vñction qui vauēt au salut de
lame qui se prent dignement lequel ie nay pas
acompaigne cōme ie deusse. Le. vii. est le saint
sacremēt de penitēce auquel me suis tresmaul
uaiselement gouverné Car aucune foye ie nay

pas sceu bon gre des penitences qui mont este
emoinctes/ Et si les ay petitement acomplies/
mais en quelle maniere que ieusse offense mō
createur esdictz sept sacremēs de leglise en non
les acomplissant ie men confesse/ & men repēs/
et en requiers a dieu pardon & a vous peniten
ce & absolution & en dis ma coulpe.

Des dix commandemens de la loy.

¶ En apres sire ie me confesse des dix cōman
demens de la loy. Et pmierelement ie ne ay pas
creu en Vng seul dieu si fermemēt cōme ie deus
se/ay mieulx ayme ma fēme mes enfans mes
biens tēporelz que ie nay faict dieu ma femme
mon maistre ma maistresse/ Je nay pas ayme
mon frere chrestien cōme moy mesmes/ iay ad
iouste foy en sorceries/charmes songes/ deuine
mēs en breuetz & en faulces escriptures laquel
le chose ie ne deusse pas auoir faict si men con
fesse & men repens. ¶ Le second/ & iay plusi
eurs foyz iure le nom de dieu en vain son sang
ses playes/ & tous ses membres & aucune foyz
ie lay regne/et maulgree/ et despite la Vierge
marie et tous les saintz & saintes de paradis/
aussi tous les elemens.

¶ Le tiers est que ie nay saintifie ne garde les
festes/ & saintz dimenches/ mais au iour du di
menche/ & des festes solempnelles iay plus tost

perche que es aultres iours.

Le quatriesme si est q̄ ie nay pas porte honneur & reuerence a dieu & a nostre mere sainte eglise/ne a mes parēs temporelz & spirituelz.& nay pas fait prieres/dire des messes / ne donne autmosnes pour eulx cōe ie deusse auoir fait.

Le cinquiesme commandement de la loy est que iay este meurtrier en cuer: & en courayge/ car iay desire la mort d'aultuy sās cause & luy ay oste ce dequoy il debuoit viure. Je nay pas ayde & ceulx qui mouroiet de fain/cu qui auoient grant necessite:ou ceulx qui estoient en peril de mort / ou iay este cause dequoy femme a perdu son fruct/cu iay tant fait que femme ne pouoit concepuoir enfant.

Le sixiesme est que iay receu les biens d'aultuy iniustemēt & sans cause. Je nay pas bien paye mes debtes:& nay pas laboure loyaulmēt pour aultuy cōme pour moy. J'ay achepte choses secrettes qui estoient embles.

Le septiesme est:que iay eu affaire a femme mariee:ou iay eu vōlente de le faire.

Le huytiesme est: que iay fait faulx tesmoignage & iuremēs:ou raporte faulces parolles/ou blasphemies a aultuy.

Le .ix. est q̄ ie nay pas este loyal a mon Roy sin. Et n'y vōlsu trouuer maniere de luy faire

domaige & deshonneur aux siens se ieusse peu.
¶ Le dixiesme est que ie nay pas si bien garde
ne sauue le bien de mon prochain come le mien.
Mais ay plustost mis peine a luy oster aucun p
fict & honneur. Et quant iay fieu son dommai
ge ie ne luy ay pas annôce ainsi come ie deusse
auoir faict. En oultre en quelque maniere que
ie auroye offense mon createur es dessusditz cō
mandemens de la loy ou en leurs circonstances/
ou dependances depuis le temps passe iusques
a ceste presente heure ie en crie a dieu mercy/ et
a vous sire en demande pardon et absolution/
et en dis ma coulpe.

¶ Des douze articles de la foy.

¶ En apres ie me cōfesse des douze articles de
la foy. ¶ Le premier est que ie nay pas creu fer
mement en dieu le pere tout puissant qui crea
le ciel et la terre.

¶ Le second . que ie nay pas creu en la person
ne du filz de dieu nostre benoist sauueur et re
dempteur Ihesuchrist.

¶ Le tiers est que ie nay pas creu que il fut cō
ceu du saint esprit: & que il fut ne au Vêtre de
la Vierge marie.

¶ Le quatriesme est que ie nay pas creu que il
fut crucifie & ensepuey au saint sepulchre.

¶ Le cinquiesme est que ie nay pas creu que il

fust reffuscite au tiers iour de mort a Vie.

¶ Le sixiesme est que ie nay pas creu quil mō-
ta es cieulx le iour de l'ascension/ & que il se siet
a la dextre de dieu le pere.

¶ Le septiesme est que ie nay pas creu q'il Viē-
dra iuger les mors & les Vifs.

¶ Le huytiesme est q'ie nay pas creu au saint
esperit.

¶ Le neufuesme est que ie nay pas bien creu
en sainte eglise ne a ses commandemens.

¶ Le dixiesme est que ie nay pas fermement
creu au saint sacrement de la messe/ & que qui
se recepura dignement il sera sauue


¶ Le Vnziesme est que ie nay pas bien creu en
la resurrection generale de toutes gēs qui res-
susciteront de mort a Vie.

¶ Le .vii. est que ie nay pas bien creu que para-
dis est Vie pardurable. Et autrement en quel-
que maniere ou facon que ieusse offense mon
createur es dessusdictes douze articles de la foy
ie suy en requiers pardon & a vous penitence &
absolution.

¶ Confiteor deo omnipotenti
et beate marie Virgini. &c.

¶ Cy finist la confession de maistre
Jehan Harson









VCINC 8= 179



1158890573





BIBLIOTHEQUE
INCUN

QUE VIO

III

CUNABLE

III

179

III

S. D.